

جَزَائِرَ حَاكِمَتِ

نومرو ربيع الآخر سنة ١٤ ١٢٩٠ مایس رومی ٢٨ سنه ١٢٨٩ صحیفه ٥٧

اشبوغزته بهر هفته بازار ایرتسی کونلری چقار . سنه لکی بر عثمانلی یوزلک التوننه و بهر سنه سی
شمذیلک ایکشتر غروشه اوله رق هر یرده صاتیلور . سنه لکنه مشتری اولق استیانلر
مکتب صنایع مدیر لکنه مراجعت ایتلیدر

بر کونده اعلان اولمسنک قطعاً فرق اولوب
اومقصد بویوله دخی حاصل اوله جغندن مجرد
تکرر طبعی تکلفنه حاجت قالماق ایچون ایکی
دفعه ده نشر اولنه حق موادی بتمامه استیعاب ایتک
وایکی دفعه چیقارلسنه مقابل اولق اوزره حال
حاضرینک بر مثل ضم اولنه رق حجمک توسیعی
تصویب اولمش اولغله بیان حاله ایتدار قلندی

محاکمات جزائیة دائره سندن ویریلان مضبطه
صورتک مابعدیدر

وساتان وحسنی اثنای راهده لیلأ قتل وتاف واقچه
واشیارینی اخذ وغصب ایلدکری و مزبور علینک
دخی مرقومک رفاقت و معاونت ایتدیکی ایچارندن
علینک اقراری و اخبارات واقعه و امارات موجوده
ایله تین ایلدیکندن محلیه مرقوم محمودک تعمداً
قال اولدیغی قانوناً تحقیق ایدن کیسه نك قانوناً اعدامنه
حکم اولمسنه دائر اولان یوز یتمشینی و علینک دخی
معین قاتل اولان کیسه نك موقتاً کورک قونلسنی
متضمن بولنان یوز یتش بشنجی مواد قانونیه احکامنه

بهر هفته بازار ایرتسی کونلری چیقارلقد اولان
جریده محاکم هفته ده ایکی دفعه چیقارلق اوزره
مرتب اولدیغی جهته شمدی زمانی کلش اولدیغندن
هفته ده برکون دها تخصیص ایجاب ایتش ایسه ده
برنجی نسخهنسک مقدمه سنده بیان اولدیغی وجهه
اشبوغزته سائر غزته لکبی حوادث روزمره وقوعات
جدیده دن بحث ایتیرک منحصرأ منسوب اولدیغی
دیوان احکام عدلیه نظارت جلیله سنه ملحق دوائر
و محاکم دن ویریلان مضابط و اعلاماتک درجلیله
دعائو واقعه نك قوانین موضوعیه صورت توفیقی
و محاکمه ده لازم اولان تدقیقاتک کیفیت جریانی
انظار عامیه اراهه و محاکم نظامیه جه مرعی الاجرا
اولان نظامات ایله مؤخرأ اتخاذ و اجرا اولسان بعض
اصول و تعدیلاتی نشر و اشاعه ایتکله مکلف
اولوب بوماده لک ایسه تأخرله قیمتی ضایع ایدن
حوادث قیلندن اولسامسیله بونلری بهر هفته
بشقه بشقه ایکی کونه تقسیم ایله اعلان ایتکدن
ایکی دفعه ده اعلان اولنه حق ماده لک جمعیله هفته ده

توفیقاً اجرای مجازات‌ترین قرار ویراش ایسه ده
مرقوم محمودك جنایت قتله اجتناساری فضیحه
غصبی اجرا مقصدینه مبتی بولمسی جهته حرکت
واقعه سی مذکور یوز یتیشیجی ماده قانونیه یماس
ایتمیوب بر کیمسه من غیر نعمد بر شخصی اتلاف
ایتمش ایسه اون بش سنه مدته کور که قونیلور فقط
اشبو تلف نفس قضیه سی آخر بر جنایتی اجرا ایدر
ایکن یا قبل اجرا و یا خود بر جنحه یی برای اجرا
وقوع بولاش ایسه اتلاف نفس ایدن شخصك قانوناً
اعدام اولمسی حکمی متضمن اولان یوز یتیش
در دنجی ماده قانونیه نك فقره اخیر سنه موافق
واوراق مزبوره مفاهیمندن اکلاش لدیغی اوزره
مرقوم علینك جنایت قتله شرکت و معاونتی قاعده
ثابت دکلسه ده غصب و سرقتده اشتراکی اقرار یله
مثبت بولمسنه مبتی حرکت واقعه سنك مذکور
یوز یتیش بشیجی ماده قانونیه یمه توفیقنده اصابت
کور یله میوب کیجه بر قاچ کشی طریق عامده خرسزلق
ایتمدکاری حالده مؤیداً کور که قونیلور عبارتده
مشمل اولان ایکوز اون طقوزنجی ماده قانونیه
مطابق اولدیغندن مرقوم محمودك مذکور یوز یتیش
در دنجی ماده قانونیه فقره اخیر سی حکمجه مناسب
بر محسبده صلب ایله اعدام اولمسی باینده اقتضا ایدن
فرمان عالینك بالاصدار با امر نامه سامی ولایت
مشار الیه یاه تسیار و مزبور علینك دخی امر تشریری
اون طقوزنجی ماده قانونیه ده مرقم قاعده یمه
بعد التوفیق ذکر اولنان ایکوز اون طقوزنجی ماده
قانونیه موجبجه مؤیداً ارغنی معدن همایوننده کور که
قونلسی و تحقیقات نظامیه اجراسیله مقتوللرک
اشیا و نقود مفعول یزینك جنس و مقدار حقیقی سنك
ظاهره اخراجیله عیناً و ممکن اوله مدیغی صورتده بدلا
قرق التیشیجی ماده قانونیه موجبجه الك قدر تالیسندن
و وفاتلری وقوعنده تر که زندن بالتحصیل ورثه مقتولینه
اعطا قلمسی و مساعی و اقدامات مقتضیه نك بالایضا

فرارده بولنان مصطفی دخی دردست اولنهرق
استنطاق و محاکمه سنك اجراسیله تبین ایده جك
درجه جرمه کوره مجازات مترتبه قانونیه سنك
تحدید یله حکمی مضبطه سنك اوراق استنطاقیه سیله
برابر کوند رلسی خصوصلرینك دخی یاز یله جق
امر نامه سامی یمه درج واز بار بیورلمسنه قرار ویرلدی
اولبایده امر و فرمان حضرت من له الامر کدر

در سعادت حقوق عادی و جزایه محاکم
نظامیه سنك تشکیلات و وظائفه دأر
نظامنامه در
(باب اول)
بدایت محکمه لری بیاننده در
برنجی ماده بدایت محکمه لری ایکی نوع اولوب بری
موقع و دیگری مرکز بدایت محکمه لری در موقع بدایت
محکمه لری در سعادت و ملحقاتك قائم مقاملر مقرر زنده
و مرکز بدایت محکمه لری متصرفلق مرکز زنده
بولنان بدایت محکمه لری

(نوع اول)
موقع بدایت محکمه لری بیاننده در
ایکینجی ماده در سعادتك حاوی اولدیغی قائم مقاملر
موقعلر زنده بردارنده عبارت اولهرق بر موقع بدایت
محکمه سی واردر موقع بدایت محکمه لری بر رئیس
و ایکیشر اعضادن و بر میزدن و نزوی قدر کتبه
و خدمه دن عبارتدر
اوچینجی ماده موقع بدایت محکمه زنده رئیس ایله
ایکی اعضا موجود اولد قیجه محاکمه اجرا اولنه من
در دنجی ماده رئیس حاضر اولدیغی حالده اعضادن
الك قلملسی و کالت ایلیه جك و اعضادن کلیان اولور
و یا خود ریاست و کانتنده بولنور ایسه ریاست مقامنده
اولان ذاتك امر یله میز لر اعضا لک ایلیه جکلر در
بشیجی ماده محاکم شرعیه ده رؤتی لازم کلان
و یا خود اهالی غیر مسلمه نك اداره روحانی لری

معرفتیله رؤتی مجاز و یا خود محاکم و محالسی
مخصوصه زنده فصل و خصم اولمسی مقرر اولان
مواددن ماعدا موقع بدایت محکمه لری نك غرض
قیمت و یا خود سنوی یوز غروش ایراد اوزرینه
و بردکاری حکملر ایله یکرمی درت ساعتدن برهفته یمه
قدر حبس جزایی و نهایت بش بیاض یکرمی لک
مجیدیه جزای بقدی بی موجب اولان افعاله دأر
و پردکاری حکملر قابل استیناف دکلر

التیشیجی ماده نهایت بشیك غروش قیمت و یا خود
سنوی بشیوز غروش ایراد اوزرینه تگون ایدن
دعاوی ایله اوچ آیه قدر حبس و بش عدد یوز لک
التونه قدر جزای نقدی بی ایجاب ایدن جنحه
دعوارینی قابل استیناف اولق اوزره رؤیت ایدر
وقوعات جنایاتده دخی تحقیقات اولیه اجرا ایلر
(نوع ثانی)

مرکز بدایت محکمه لری بیاننده در
یدنجی ماده استانبولده ای و اسکدار و بک اوغلی
مرکز زنده بر بدایت محکمه سی تشکیل قلمشدر بولر
ایکیشر دایره یمه منقسم اولوب بری دایره حقوقیه
و بری دایره جزایه در
سکرنجی ماده مرکز بدایت محکمه لری منقسم
اولدیغی دایره بر رئیس ایله اوچر اعضادن
مرکبدر و معیتلر زنده ایکیشر میز و نزوی قدر
ضبط کاتبی و خدمه بولنه جقدر
طقوزنجی ماده مرکز بدایت محکمه لری اوچینجی
و در دنجی ماده زنده بیان اولنان قاعده یمه توفیقاً
اجرای محاکمه ایده جقدر

اوچینجی ماده میز و ضبط کاتبلرینك دعاوی
واقعه نك تدقیق و رؤیتجه و امور تجریریه سنجه اولان
وظیفه لری نظام مخصوص ایله تعیین اولنه جقدر
اون برنجی ماده خدمه نك وظیفه سی جلب
و احضار و تبلیغ کبی مباشر لکدن عبارت اولوب
صورت اجراآت وجهات ساوه سی نظام مخصوص
ایله تعیین اولنه جقدر

(قسم اول)

مرکز بدایت محاکمی دأر حقوقیه سنك
وظائفی بیاننده در

اون ایکینجی ماده دأر حقوقیه نك نهایت
بش یک غروش قیمت و یا خود سنوی بشیوز غروش
ایراد اوزرینه تگون ایدن دعاوی یمه و پردکاری
حکملر قابل استیناف دکلر رأس المال بومقداردن
اشاغی اولوبده تراکم ایدن قاضك ضمیمه مجموعك
مقداری تجاوز ایلسه یا خود اصل دعاویه مقابل
مدعی علیه طرفندن دخی بومقداردن اشاغی بردعوا
تحدث ایدوبده ایکی نوع دعوانك مبتی علیه یمه
برلشدکده ذکر اولنان مقداری تجاوز ایلسه یمه
ینه ویریلان حکم قابل استیناف اوله من

(قسم ثانی)

مرکز بدایت محاکمی دأر جزایه نك وظائفی
بیاننده در

اون اوچینجی ماده مرکز بدایت محکمه لری
دأر جزایه سنك وظیفه سی بولندقلری محاکمک
داخل دأره سنده قباح و جنحه یمه متعلق وقوع بولان
دعاوی بی بدایه رؤیت ایتك و جنایت درجه سنده
اولان افعاله محاکمه سنه کرشیوب تحقیقاتی بالاجرا
دیوان جنایته کوندره جقدر و دولر جزایه نك
اوچ آیه قدر حبس و بش عدد یوز لک التونه قدر
جزای نقدی بی متضمن و پردکاری حکملر قابل
استیناف دکلر

(باب ثانی)

استیناف محکمه لری بیاننده در

(حقوق عادی و استیناف محکمه سنك وظیفه سیله)

(صورت تربیتی بیاننده در)

اون در دنجی ماده دیوان احکام عدلیه نظارتی
دأره سنده حقوق عادی دعاوی چون بر محکمه
استینافیه تشکیل قلمشدر بومحکمه نك وظیفه سی
یا لکدر سعادت و ملحقاتنده بولنان موقع و مرکز

بدایت محکمه لریک حقوق عادیہ دعاویسنہ دائر
قابل استیناف اولہرق ویردکاری حکمری استدعا
اوزرینہ استینافاً رؤیت ایتکدر
اون بشجی مادہ محکمه استینافیہ بررئیس ایلہ بش
اعضادن ویش میزدن عبارتدر معیتندہ لزومی قدر
ضبط کاتلری وخدمہ بولنور

اون التنجی مادہ حقوق عادیہ بدایت واستیناف
محکمه لریک محاکمات و مذاکراتی و مصالحک صورت
جریانی دیوان احکام عدلیہ نظامنامہ سندہ مندرج
اصول و شرائطہ توفیق ایدیلور

(قسم ثانی)

جزا محکمه استینافیہ سنک وظیفہ سیلہ صورت
ترتیبی بیانندہ در

اون یدنجی مادہ باب ضبطیہ جزا محکمه
استینافیہ سی نامیلہ بر محکمه تشکیل قائمشدر بو محکمه
ایکی دائرہ منقسم اولوب برنجیسنه جنایت دیوانی
وایکنجیسنه جنجہ دیوانی دینلور

اون سکرنجی مادہ جنایت دیوانی درسعادت
والمحقاتی داخلندہ جنایاتہ دائر و قوعبولان
دعاویہ حکم ایدر

اون طقوزنجی مادہ جنایات دیوانی بررئیس
ایلہ درت اعضادن عبارتدر معیتندہ لزومی قدر
میز و مستنطق و ضبط کاتلری واردر

یکرمنجی مادہ جنجہ دیوانی درسعادت و المحقاندہ
بولنان موقع و مرکز محکمه لریک جنجہ و قباحت
درجه سندہ اولان افعالہ دائر قابل استیناف
اولہرق ویردکاری حکمری استدعا اوزرینہ استینافاً
رؤیت ایدر

یکرمی برنجی مادہ جنجہ دیوانی بررئیس ثانی
ایلہ درت اعضا وزومی قدر میز و مستنطق و ضبط
کاتلرندن عبارتدر

یکرمی ایکنجی مادہ محاکم جزائیہ مذاکرات
و محاکمات و مصالحک صورت جریانی درسعادت

والمحقاتک اداره محاکمہ سنہ دائر فی ۲۵ محرم سنہ
۸۸ تاریخیلہ نشر اولنان نظامنامہ نک دردنجی
فصلیلہ دیوان احکام عدلیہ نظامنامہ نک اوچنجی
فصلندہ محرر اولان اصول وقواعدہ توفیق
اولنور

(باب ثالث)

تمیز محکمه سی

یکرمی اوچنجی مادہ دیوان احکام عدلیہ نظارتی
دائرہ سندہ بولنان محکمه تمیز بری حقوقہ و دیگری
محاکمات جزائیہ منصوص اولحق اوزرہ ایکی
دائرہ دن عبارت اولدیغی حالده وظیفہ سی و اصول
ترتیب و تشکیلیلہ مصالحک صورت جریانی دیوان
احکام عدلیہ نظامنامہ سنک برنجی و اوچنجی فصلارندہ
تعیین اولنان احکام وقواعدہ تابعدر

(خاتمہ)

یکرمی دردنجی مادہ اشو نظامنامہ ده بیان وتعداد
اولنان محاکم حقوقیہ و جزائیہ دیوان احکام عدلیہ نک
تحت نظارتندہ بولندیغندن رؤسا و اعضاسنک انتخاب
وتعیینی نظارت مشارالیهانک تقریری اوزرینہ طرف
حکومت سنیه دن اجرا اولنور

یکرمی بشجی مادہ درسعادت و المحقاتی اداره
محاکمہ دائر ۲۵ محرم سنہ ۲۸۸ تاریخندہ
نشر اولنش اولان نظامنامہ نک اشو نظامنامہ یه
مخالف اولان احکامی منفسخدر

۸۷ سنہ ۸۷ تاریخیلہ تمیز حقوق

دائرہ سندہ ویریلان اعلام صورتیدر

قارلوهلی یوانچو ولد حاجی دیمتری ایلہ قارلوهده
ساکن یانیہلی دیمتری چنال بیندہ تگون ایدن
منازعہ یه دائر ادرنہ ولایتی تجارت محکمه سندن
استینافاً ویریلان ۵ جاذی الاخر سنہ ۸۶ تاریخلی
اعلامه اعتراضی حاوی مرقوم یوانچو طرفندن
۷ شعبان سنہ ۸۶ تاریخندہ اعطا اولنان عرضحال

تفریق جمعی جانبندن محاسبہ شرائط تمیزیہ
اجرا ایتدیرلدکنصکره ۶ ذی القعدہ سنہ ۸۶
تاریخندہ حقوق دائرہ سنہ حوالہ
ومرقوم یوانچونک وکیل قسطاکی
طرفندن فلپہ محکمه تجارتندن بدایہ ویریلان
اعلاملر ایلہ ادرنہ محکمه تجارتک سالف الذکر
اعلامنک ومتعاقباً یه ادرنہ محکمه سندن ضروروزان
حقندہ ویرلش اولان دیگر برقطه اعلامک مصدق
صورتلریلہ مفصل اعتراض لایحه سی وسائر اوراق
متفرعه سنک اعطا اولنسی اوزرینہ بجله سی قرائت
ومطالعہ اولندی

مرقوم یوانچونک مذکور ۷ شعبان سنہ ۲۸۶ تاریخلی
عرضالنک خلاصه مآلی مرقوم دیمتری ایلہ بینلرنده
اولان شرکت محاسبه سنہ مقدماطر فیندن محکمه نامہ
ایلہ انتخاب اولنان میزمر معرفتیلہ باقیلہرق برقطه
شعبه تنظیم وانک اوزرینہ طرفین بیندہ ابراسندی
تعاطی اولنہرق بوجهتلہ قطع رشتہ علاقه ایلدیکی
حالده دیمتری مؤخرأ سہو حساب ادعاسنه قیام
ایلہ اعادہ محاسبه استدعا ایتسی جهتیلہ فلپہ
تجارت محکمه سندن تنظیم ایتدیریلان محکمه نامہ
ایلہ انتخاب وتعیین قلنان میزمر طرفندن یاپیلان
ابرا سندلرینہ عدم اعتبار ایلہ مجدداً حسابہ
باقیلہرق اکثریت آرا ایلہ ویریلان راپورطو جنجہ
فلپہ محکمه تجارتندن طقوز بیک ایکی یوز سکسان
درت بچق غروش دیمتری یه بوزلی چیقدیغنه
دائر ۶ جاذی الاولی سنہ ۸۵ تاریخندہ برقطه
اعلام اولنش و بواعلام اوزرینہ ادرنہ تجارت
محکمه سندہ استیناف دعوا یه قیام ایلدیکی صرہده
کذلک فلپہ محکمه سندن ۵ ذی القعدہ سنہ ۸۵ تاریخیلہ
یابلش اولان دیگر برقطه اعلام ایلہ بورجی اون
بشیک ایک یوز غروشه ابلاغ ایدلش اولدیغندن
وادرنہ تجارت محکمه سندہ لدی المحاکمہ بواعلاملرده
اولان اعتراضاتی بیان ایلش اولدیغی حالده تدقیق

اولنوب ادرنہ تجارت محکمه سندن فلپہ محکمه
تجارتک الک صکره کی اعلامی تصدیق قلمش
ایسده بو حکمی دخی قبول ایدہ میه جکندن مرقوم
دیمترینک درسعادتہ احضاریلہ کیفیتک دیوان
احکام عدلیہده تمیزأ رؤیتی استدعاسندن عبارتدر
ادرنہ محکمه تجارتک ۵ جاذی الاخر سنہ ۸۶ تاریخلی
اعلامندہ دخی یوانچونک استیناف استدعاسی اوزرینہ
شرائط استینافیہ بعدالاجرا دیمتری جلب ایلہ
یدزنده بولنان اوراق ودفاتر ایلہ فلپہ محکمه سی
اعلاملری لدی المطالعہ مستأنف ومستأنف
علیک ویردکاری قومپر سوسندی اوزرینہ رؤیت
محاسبه یه تعیین اولنان میزمر ایلہ بشجی طرفندن
اعطا اولنان راپورطو موجبجہ ۱۵ ذی القعدہ
سنہ ۸۵ تاریخلی نہایت قراری حاوی اولان محکمه
مذکورہ اعلامندہ یوانچونک دیمتری یه ویرہ سی
حکم اولنان التیق طقوز یوز یکرمی ایکی
بچق غروشه قارشواق مستأنف مرقوم یوانچونک
ارائہ ایلدیکی دیمترینک سندی حقندہ سبقت ایدن
اشعاره جواباً فلپہ متصرفلغندن ورود ایدن
تحریراتہ ملفوف محکمه مذکورہ تقریرندہ یوانچو
ودیمتری محاسبه لری رؤیت ایتک اوزرہ بینلرنده
انتخاب ایلدکاری بغواکینک رؤیت ایلدیکی
محاسبهده اون بر بیک یدی یوز طقسنان درت
غروش دیمترینک یوانچویہ دینی ظهور ایلدیکی
بیان ایلسی اوزرینہ مبلغ مزبور ایچون مرقوم
دیمتری یوانچویہ الدردینہ یعنی امره محرر برقطه سند
ویروب یوانچودخنی سند مذکوری روسیہ لی دینیلان
ارتین غریغوقه جیروانلش ومؤخرأ اشو محاسبهده سہو
اولدیغندن قومیسون تشکیلیلہ بتکرار رؤیت
اولنسی حقندہ مرقوم دیمتری طرفندن وقوعبولان
استدعا اوزرینہ تشکیل اولنان قومیسون معرفتیلہ
محاسبه لری رؤیت اولندقدہ صحیحاً سہویت اولدیغی
تین ایدہ رک دیمترینک اصل بورجی بشیک بشوز

غروش اولديغى ميدانه چيقارلديغندى مذکوراون
بريك كسور غروش ايجون ديمتري و يردىكى سندی
تبدیل ايتوب ظهريته التي بيك ايكوز طقسان
درت غروش تسليم قيد ايلسي اوزرينه مبلغ مزبور
مقبوضى اولديغنى مین يوانچو ديمتري يندن برقطعه
علم و خبر اخذ ايلش و بؤكره ابراز ايلديكى مذکور
المقدار غروشلق سند مذکور مقبوض سندی
اولديغندى شايان اعتبار اولديغى رؤيت محاسبه
مأمورلى طرفندن افاده اولديغى حكاية و اشعار
قلنديغندى بوباده مرقوم يوانچونك اداسى
واهى اولوب بركونه حق اولديغى تبين ايلش
وذكر اولنان ميرزا ايله بشيخى طرفندن ويريلا
مذكور راپورط موجب اعلام مذکورده حكم
اولنان بش قلمك برنجى قلمى مستأنف مرقوم يوانچو
قلبه غاجو اوغلارندن درعهده ايلديكى التزام بدانه
محبوباً سكر بيك غروش اعطاسنى و مؤخرأ
كندوسنك تسويه ايدى جكنى مرقوم ديمتري به بيان
ايلسي اوزرينه مرقوم ديمتريك اولقدار اچمى
موجود بولنديغندى قارولولى تمويل نطمان نام
يهوديدن بيك يدى يوز يكرمى سكر غروش
بالاستقراض سكر بيك غروش غاجو اوغلارينه اعطا
ايدرك مؤخرأ مرقوم يوانچو ديمتريك يهودى
مرقومدن آش اولديغى اچمى و يردش ايسده
كندو پاره سنى و يردىكى مرقوم ديمتري ادعا
و يوانچو ايسه نقداً و يردىكى بان ايلسي اوزرينه
دفتريك ارأه و ابرازى مرقوم يوانچويه بيان
اولندقدى دفتري اولديغى و ابراز ايدى ميه جكنى
وذكر اولنان التزامى قارولولى بولو اوغلى نيقوله
ايله مشتركاً درعهده ايلدكاردن دفتري مرقوم
تسليماتى دفتري كرده مقيد ايدوكى و مؤخرأ مرقوم
نيقولهك وقوع وفاته مبنى دفتري روسيه
قونسلاوسنده محفوظ بولنديغندى اورايه مراجعت

بيك غروشك كافه سنى يوانچو كندوسى و يردىكندن
بحثله نصفنت ديمتريدن استحصالي طلب ايتكمده
بولمش و بوندهده بركونه حق اولديغى اعلام
مذكورده كوسترلمش ايسدهده بؤكمى دخی مرقوم
يوانچو قبول ايتكمده اولديغندى بوباده وقوعبولان
اشعاره جواباً متصرفلى مذکوردن ورود ايدن
تخريراته ملفوف محكمه مذکورده تقريرده مرقوم
هاجى قالجونك دفترينه مراجعت اولندقدى مبلغ
مزبورك مقيد اولديغى يبراغك درت بش ايلرو
و كير اولان ورقه زده محرر اله جقارينك تاريخى
التمش سنه سنى اولوب مبلغ مزبور دخی بونلرك
اراسنده بولنديغى حاليه تاريخى التمش سنه سنى
اولمق لازم كلور ايكى بونك هر نه سببه مبنى ايسه
بوز يلوب التمش بر اولمسنك سبى و يوخسه ديكر
بر سند و حسابدى نشأت ايلديكى مرقوم حاجى
قالجودن استفسار اولندقدى يوانچو ديمتري به باسند
يالكر بر دفعه و يردىكى اچمى مؤخرأ يوانچودن
الديغى و دفتري تاريخلى اكثريا بوزق ايدوكى
افاده ايلش و اولنان تحقيقاتده يوانچو و ديمتريك
محاسبه لرينك رؤيتى ائشاده مبلغ مزبور ايجون مرقوم
هاجى قالجونك دفترينه مراجعت ايدن حاجى و هلو
مذكور اون بيك غروشلق سندنك تاريخندن
مقدم ايكيسى برابر استقراض ايلدكلى يكرمى
بيك غروشه محسوباً وقوعبولان تسليماتلى تنزيل
اولندقدى اون بيك غروش بورجلرى قالدديغندى
۱۶ كانون ثانى سنه ۱۸۶۱ تاريخيله برقطعه سند
و يردكلى كوردىكلى حاجى قالجويه بيان ايلش
ايسدهده ينه حاجى قالجو افاده سابقه سندن كير
قالمديغندى تكرار دفترينه مراجعت اولندقدى
۸ تشرين ثانى سنه ۱۸۵۹ تاريخنده يوانچو
و ديمتري و چاوش و هلو مبلغ مزبوردن مقدم
مرقوم حاجى قالجودن استقراض ايدوب تأديه
ايلدكلى اوتوز بيك غروش مذکور اون بيك

غروشك نشأت ايتدى كورلمش و ذكر اولنان
يكرمى بيك غروشك قيدي ارأه اولنان دفتريده
اولموب ديكر بر اوفاق دفتريده اولديغى مرقوم
هاجى و هلو مرقوم حاجى قالجويه روبرو افاده
ايلسي اوزرينه بونى ارأه و ابراز ايلسنه اقدام اولمش
ايسدهده ديكر دفتري اولديغى بيان ايلسي يوانچويه
تصاحب ايدوكى اكلاشلايدى اشعار اولمش
اولمغه بوباده دخی مرقوم يوانچونك حقسنزلى
تبين و تحقق ايلش و بشيخى قلم طرفينك يكدىكردن
الاجق و يره جك ادعاسى اولوب بونك فضلى خصوصنك
شرعشريفه حواله سنى لازم كله جكي اعلام مذکورده
تصريح اولمش ايسدهده نه دن طولاي و نوجمله
الاجق و يره جك اولديغى بوراجه دخی كندولردن
استفسار اولندقدى يوانچونك اوليله ديمتريك بعض
كسانه و يروب مديولردن كميسى قرار و كميسى
وفات ايدوب مرقوم يوانچو دخی امرينى انكار
ايلديكندن بونك فصلى فى الحقيقه محاكمه شرعيه لرينه
متوقف بولمغه اشبو بشيخى قلمك فصل و رؤيتنك
شرعشريفه حواله سنى لازم كلش اولديغندى
بو حاليه بالاده ذكرى سبقت ايدن التي بيك
ايكى يوز يكرمى ايكى بچق غروش ايله برنجى و ايكنجى
قلملرده كوستريلان و استينافده دخی تبين و تحقق
ايدن سكر بيك اوچوز اون ايكى غروش كه جمعاً
اون بشيك ايكى يوز اوتوزدرت غروشك مستأنف
مرقوم يوانچودن تحصيلى لازم كله جكنه اكثريت
آرا ايله قرار و يردمشدر ديو مرقدر
يوانچونك و كلى مرقوم قسطاى جير و نينك
لايحه اعتراضيه سنده ايشك بدايتمندن
نهایتته قدر جريان ايدن معامله و درجه
اولى محكمه سنى اعلاملى حقيقده اولان اعتراضات
دخی مندرج اولمى و تفصيلاتدن عبارت بولمى
جهتله بونلرك جمله سندنك تدقيق و حكاية سنده لزوم
كورمديكندن باشلوجه اولان اعتراضلرينك تدقيقه

کیریشله کده بونلرک نتیجه مدلول دیمترک سهر
ادعاسنه قیام ایشلش ایسهده سهو و قوعولان قیللری
تعین و تصریح ایده مدییکی کی مقدمه صلاً کوریلان
حساب اوزرینه ابرنامه ر تعاطی اولندیغندن دیمترک
اشبو ادعاسنک واهی ایدوکی یوانچو طرفندن قلبه
و ادرنه محکمه لرنده بیان و افاده اولندیغنی حالد
اعتراضات واقعه قبول اولندقدن بشقه قلبه محکمه سندن
طقوز بیک کسور غروشلق اولکی اعلامی استیناف
اولمق لازم کلور ایکن اون بشیک کسور غروشی
حاوی اولان اعلام اخیری استیناف اولندیغنی و طرفین
استینافه قیام ایتیه جکلرینه دأر قومپر مسو یغنی
تحکیمنامه اعطا ایلدکلری جهته یوانچونک اعتراضه
حق اولدیغنی ادرنه اعلامنده کوسترلش ایسهده
تحکیمنامه ذاتاً یولنده تنظیم اولندیغنی و میز
صلاحیتلری خارجنه چقمش اولدقلری کی یولنده
اولسه یله بو تحکیمنامه موجب تعین اولنان میز
ایله بشنجی ایجاب ایدن راپورطلری تنظیم ایتلری
اوزرینه وظیفه لری تکمیل ایدرک طاعلقلری
و تحکیمنامه نك حکمی مفسوح اولدیغنی حالد
مؤخرأ ایکی باشند محاسبه یه باقوب دیگر راپورط تنظیم
ایلدکلری جهته اولکی تحکیمنامه نك بوکا تأثیری
اوله میه جغنی و قلبه نك اعلام اخیری ذکر اولنان ک
صکره کی راپورطی و ادرنه اعلامی دخی قلبه اعلامی
تصدیق ایشلش اولدیغندن قلبه و ادرنه اعلاملرنده
مفسوخ تحکیمنامه دن بجه استینافه حق اولدیغنک
کوسترلشی یولسز ایدوکی و میزک ک صکره کی
راپورطلری قاریشقی واکلاشلار درجهده و بعضی
صره سز علم و خبرلرن عبارت اولدقدن بشقه طرفین
جلب و علم و خبرلرک ابرازینه مجبور ایلدک و ایجابی
حالدنه مناسب مهلت ویرلک وانک اوزرینه کافه
خصوصات یولنده رؤیت اولمق لازم کلور ایکن
میزر بورلردن تسکاسل ایتلرندن و قلبه محکمه سی
میزرک علم و خبرلر حقهده اولان معاملاتنی غیباً

حکم و تصدیق ایتلرندن طولای ادرنه محکمه سی
کرک میزک و کرک قلبه محکمه سنک اشبو یولسز
حرکتلری میدانه قیوب قرارلری فسخ ایتدیکندن
بوجهته ادرنه اعلامنک تقضی ایجاب ایده جکی
و قلبه نك اعلام اخیرینه میزک راپورطی تصدیق
ایشلش نظریله باقلیوبده طوغریدن طوغری ایشی
فصل و رؤیت ایشلش نظریله باقلسه یله قلبه و ادرنه
اعلاملرنده حکایه اولنان برنجی و ایکنجی قیلدرده
محرر دیمترک ادعاسنی یوانچو انکار ایلدیکی حالد
دیمتری اثباته مجبور ایلدکسزین ادعا ایلدیکی
مبالغ یولسز اوله رق حکم اولدیغنه مبنی قلبه
محکمه سنک اعلامی اشبو یولسز لغندن طولای
ادرنه محکمه سی فسخ ایده جکی یرده کنلک تصدیق
ایلدیکندن بو وجهته دخی ادرنه اعلامنک تقضی
اقتضا ایده جکی خصوصلرندن عبارت بولنش و بو
اعتراضاتدن بشقه لایحه نك خاتمه سندن دیمترک
ادعا ایلدیکی ضرر و زیان و مصرف ایله مبلغ محکومک
فأضی حقهده ادرنه محکمه سندن ۱۵ جمادی الاخر
سنه ۸۶ تاریخده یوانچو اوزرینه سکر بیک یوز
قرق یدی غروشک حکمی متضمن ویریلان دیگر
اعلامه دخی اعتراض ایله بونکده تمیزی استمدا
اولمشدر

مرقوم دیمتری محکمه بولندیغندن اصول وقاعده سنه
توفیقاً درسعاده احضار اولندقدن صکره مدعینک
لایحه سنک بر صورتی کندوسنه لدی التبلیغ
باسند مصدق وکیل تعین ایتدیکی یورکی دیو
طرفندن دخی مفصل جواب لایحه سی ویرلسی
اوزرینه اشبو لایحه مطالعه اولندقدن بونک مالی
دخی ایشک ابتداسندن انتهایسنه قدر صورت جریان
و یوانچو حق سزلغنی بیاندن عبارت اولوب
وکیل قسطاکی جیرونیک اعتراضلرینه ماده بماده
جواب ویرلماشدر

بناء علیه طرفین دأریه جلب ایله استجواب اولندقدن

اصیللر دخی حاضر اولدقلری حالد مدعی وکیل
قسطاکی جیرونی لایحه سندن محرر اعتراضاتی
تکراره ایتدار و مدعی علیه وکیل یورکی دیو دخی
لایحه سندن بجهته مؤکلنک درجه اولی محکمه سندن
حکم اولنش و استینافده تصدیق قلمش اولان
حقنک استحصالی درمیان ایتلردر

ایجابی لدی المذاکره سالف الذکر ادرنه محکمه سنک
۵ جمادی الاخر سنه ۸۶ تاریخلی اعلامنده اگرچه
طرفین مقدما انتخاب ایلدکلری درت نفر میزک اقرارلری
بلا استیناف قبول ایده جکلرینه دأر قومپر مسو یغنی
تحکیمنامه تنظیم و امضا ایلدکلری جهته میزک
راپورطوی موجب تنظیم اولنان اعلامه یوانچونک
بیهوده یره اولان اعتراض و ادعاسی شایان قبول اولدیغنی
کوسترلش ایسهده قلبه محکمه سنک ۱۵ ذی القعدة
سنه ۸۵ تاریخلی اعلام اخیری ایله الصکره یانلش
اولان تحکیمنامه نك مصدق صورتلری مفادلرینه
نظراً بو تحکیمنامه ۱۰ شعبان سنه ۸۳ تاریخده
یایله رق وانک اوزرینه میز ایشله باقره رق بولردن
ایکیسی ایله مؤخرأ تعین قلنان بشنجی طرفلردن
تنظیم قلنان برقطعه راپورطدن دیمترک یوانچوده
طقوز بیک ایکی یوز سیکسان درت بچق غروش الاجنی
ظهور ایلدیکی کوسترلسنه مبنی موجب ببالغ
مزبورک تحکیمنامه دأر قلبه محکمه سندن ۶ جمادی الاول
سنه ۸۵ تاریخله برقطعه اعلام تنظیم قلمش ایکن
بو محاسبه ده باقامش اولان حسابلرک دخی رؤیت چون
طرفین و میزری و بشنجی تکرار طولانله رق
سوز برلکیله مقدم کوریلان محاسبه نك ابتداسندن
بدأ ایله نهایتنه قدر کافه ادعا یکیدن فصل و رؤیت
اونوب طرفین میزری و بشنجی اتفاق آرا ایله ۲۲
شعبان سنه ۸۵ تاریخده ویردکلری دیگر برقطعه
راپورطده دیمترک یوانچو ذمتهده الی بیک طقوز یوز
یکرمی ایکی بچق غروش الاجنی تبین ایتدیکی
و طرفینک یکدیگرندن ادعا ایتکده اولدیغنی بش قلم

مادهیه محکمه جه قرار ویرلسی کوسترلشی اوزرینه
بوراپورط محکمه جه تصدیق و مذکور بش قلم ماده دخی
رؤیت اوله رق برنجی و ایکنجی قیلدرن طولای سکر
بیک اوچوز اون ایکی غروش باضم جمعاً اون بشیک
ایکیوز اوتوز درت بچق غروشک حکمی حاوی
ویریلان سالف البیان ۶ جمادی الاولی سنه ۸۵
تاریخلی اعلامنک حکمی فسخ ایشلش اولدیغنی
اکلاشلوب بو حالد میزک دیمترک قبولی تحتنه
اولان صکره کی راپورطلریله اولکی راپورطک حکمی
فسخ ایدرک اولکی راپورطک فسخی ایسه مذکور
تحکیمنامه نك حکمسز قلمسنی ایجاب ایلدیکی مثلاً
میزرایله بشنجی صکره کی اجتماعلرنده طرفینه یکیدن
تحکیمنامه تنظیم ایتدیرمیه رک ایشه بلقش و موجب
صکره کی راپورطلری ویرمش اولدقلری
جهته بونله قانوناً حکم دینله میه جکی و بویه
حکم صفتی حائز اولیان میزک راپورطلرینه
مستند اولان قلبه اعلام اخیرینک استینافی
قابل ایدوکی درکار اولدیغنی حالد ادرنه محکمه سی
اعلامنده یوانچونک قلبه اعلامنه اعتراضی شایان
قبول اولدیغنک کوسترلشی اساسسز در بونکله رابر
ادرنه محکمه سی دعوانک قابل استیناف اولدیغنی
بیان ایشلش ایکن برطرفدن دخی ایشی استینافاً
رؤیت ایشلش ایسهده امر رؤیتجه دخی اصول
محاکمه یه توفیق حرکت ایتماشدر شویله که بالاده
عیناً درج و حکایه قلنان ادرنه محکمه سی اعلامنده
محرر اولدیغنی وجهله مواد منازع فیها راپورط
موجب بجه حکم اولنان الی بیک طقوز یوز یکرمی
ایکی بچق غروش ماده سیله دیگر بش قلمدن عبارت
اولوب ذکر اولنان الی بیک کسور غروشه قارشو
یوانچونک ابراز ایلدیکی دیمترک سندی و مذکوریش
قلمدن اوچنجی و دردنچی قیلره اولان اعتراضی
اوزرینه کیفیت قلبه محکمه سندن بشقه بشقه
استعلام اوله رق اورادن کلان جوابلر عینله

اعلامه درج و حکایه قلندقدنصکره برکونه علل و اسباب بیان ایدلیه رک بوندره یوانچونک ادعای واهی اولوب برکونه حتی اولدیغی تبین ایدلیکی کوستلشدن حالبوکه یوانچو ذاتاً قلبه محکمه سنک اعلامنه اعتراض ایلش اولدیغندن و محکمه دن صوریلان شیئ کلان جوابی ادرنه محکمه سنده تدقیق و مطالعه و طرفین استیجاب و محاکمه ایدلک و ویریله جک حکم علل و اسبابی بیان اولمقی لازم کلور ایدی ذکر اولنان بش قله برنجی و ایکنیسنده دخی یوانچو به حکم اولمش اولان سکر بیک اوچوز اون ایکی غروش ادرنه اعلامنده نه دینلش کذلک تصدیق و حکم اولمش ایسه ده یوقلار حقنده یوانچونک اعتراضی ندن عبارت اولدیغی سؤال و تصریح و تدقیق قلنقسزین یا لکر قلبه محکمه سی اعلامنده نه دینلش ایسه انک حکایه سیله اکتفا اولنهرق علل و اسبابک بیانی و تدقیقات و محاکمه اجرایی طرفنه کیدلماشدر بشنجی قله کلنجه بو خصوص طرفینک یکدیگرندن الاجقی ویره جک دعواسی اولوب بونک فصلی خصوصنک شرع شریفه حواله سی لازم کله جکی قلبه اعلامنده تصریح اولنوب انحق ندن طولایی و نوجهله الاجق ویره جک اولدیغی کوستللاهش اولدیغندن بوراسی کندوزندن استفسار و یوانچونک امریله دیمترینک بعض کسانه پاره ویرمسی و یوانچونک دخی امرینی انکار ایتسی ماده سی اولدیغی اکلاشیلوب بوایه حقیقه شرع شریفه عائد اولدیغی جهته بونک دخی شرع شریفه حواله سی تصدیق قانمش ایسه ایش اساساً ایکی تاجر بیننده تکیون ایدن شرکت منازعه سنندن عبارت اولدیغی کی برطرف دعواسی اثبات ایدمه دیکی صورتده دیگر طرفه مین ویره که حقی اولدیغی و بنابرین بوماده نکه محکمه جه تدقیق لازم کلدیکی حالده بونک رؤیتی دخی یواسزدر و تفصیلات مسرووده دن مستبان اولدیغی اوزره

ادرنه محکمه سنک برطرفدن ایشک قابل استیناف اولدیغنی بیان ایتسی و برطرفدن دخی استیناف ایشه باقش ایسه ده انده دخی اصول محاکمه به مغایر حرکتده یوانچو نقض اعلامی موجب اسبابدن بولندیغندن محکمه مزبورنک مارالذکر ۵ جمادی الاخر سنه ۸۶ تاریخلی اعلامی نقض اولندی بناء علیه اعلام مذکورک کیفیت منقوضیتنک دیوان احکام عدلیه نظامنامه داخلینک التمش طقوزنجی ماده سی موجب قیدی بالاسنه شرح و یردیرلسیله برابرطرفین شمدی درسعادتده بولندیغندن مذکور نظامنامه نک اون اوچنجی ماده سی و جمله یکیدن استینافاً باقلمق اوزره کیفیتنک دیوان استینافه حواله سنه و برده اشبو ادرنه محکمه سی اعلامنده یوانچونک حقسنز چیقارلمسندن طولایی دیمترینک استدعای اوزرینه ضرر و زیان و مصارف اوله رق ۱۵ جمادی الاخر سنه ۸۶ تاریخلی اعلام ایله سکر بیک سکر یوز قرق یدی غروش یوانچو به حکم اولمش و بالاده کوستلیدیکی اوزره اعلام مذکورک دخی تمیزی یوانچونک وکیلی طرفندن استدعا اولمش ایسه ده شو اعلامک حکمی اساس ماده به دأر اولان اعلامه مستند اوله رق اساس ماده بی حاوی اولان ادرنه اعلامی ایسه آنفاً بیان قلندیغنی و جمله نقض ایدلیدیگندن بونک دخی بالطبع حکمی قلاماغله قیدی بالاسنه شرح و یردیرلسنه و محاکمه مصارفنک ایلرورده حقسنز چیقاجق طرفه عائد اولمق اوزره اشبو تمیز دعواسنده حقی چیقان یوانچودن تحصیلنه قرار ویرادی و صورت قرار طرفینه دخی تفهیم قلندی

۷ جمادی الاخر سنه ۸۸ تاریخنده تمیز
حقوق دأره سنندن ویریلان مضبوطه
صورتیدر

روم ایلی قواق حصارنده ساکن بالقجی محمد

چاوشک تجاردن بلویان استپان ایله بینلرنده تکیون ایدن منازعه به دأر دیوان استینافدن ویریلان اعلامه اعتراضی حاوی وکیلی اوخانس موسدجیانک ویردیکی عرضحال و لایحه ایله مذکور اعلام صورتی ۱۳ جمادی الاخر سنه ۸۷ تاریخنده حقوق دأره سنه حواله اولمقله قرائت اولندی

عرضحال مذکور ۲۵ ربیع الاخر سنه ۸۷ تاریخله مورخ اولوب مالی مرقوم استپانک جهت حواله دن بر قطعه سندله قرضاً اچقه ویردم دیرک محمد چاوشدن ایتدیکی دعوی اوزرینه برنجی مجلس تجارتده اجرا قلنان محاکمه زننده قرضاً بر اچقه ویرمیدیکی ظاهر اوله رق دعوی به صلاحیتی اولدیغنه دأر اعلام ویراش ایکن دیوان استینافده ایشک رنکی دکشیدیریلهرک الاجفنگ اشیا بهاسی و حواله دن طولایی اولدیغنی ادعا و دیوان استیناف دخی اصول محاکمه نظامنامه سنک یوز اون اوچنجی ماده سنه مخالف اوله رق بوادعایی قبول ایله محمد چاوش حواله بی قبول ایتش وسند ویرمش دیو حکم اولی فسخ ایله سند بدلی اولان یوز شو قدر لیرانک تحصیلی حقنده بر قطعه اعلام اعطا ایش اولدیغندن بمثله اعلام مذکورک نقض استدعاسنی شاملدر

دیوان استیناف اعلامی دخی ۱۹ جمادی الاولی سنه ۸۷ تاریخلی اولوب مفادنده استپانک وکیلی جوانی افکرک ۱۳ ذی القعدة سنه ۸۶ تاریخلی برنجی مجلس اعلامنه اعتراض ایله استیناف دعوی ایتسی اوزرینه مذکور اعلام لدی المطالعه خلاصه مدلولی مرقوم استپان محمد چاوشدن مبلغ مذکوری دعوی ایدلیدیگنده محمد چاوشک وکیلی اوخانس مهر و امضا مؤکلنک اولدیغنی اقراردن صکره مؤکلنک متوفی ملقون ذنده الاجنی اولان اون بشیک سکر یوز غروشدن هر نصله مدعی استپانک تشویقنه و بر قاج شخصک رجاسنه مبنی ایکی بیک بشیوز الی غروش بالتزیل قصورینه

درسعادتده بولنان یکریمی التی بیک اوچوز قرق یدی بچق غروش ذمینی حواله کوسترهش و اصحاب ذمک اسم و محالرینی باخبر بر دفترینی لیوانه قضایی نأینه امضا ایتدیرمسی اوزرینه مؤکلی ذماتی صاغ بیلوب دفترینی اخذ ایتش واستپان نامه بر قطعه سند ویرمش ایسه ده ذمات مذکور چورک چیقدیغندن و اصحابک اکثری انکارده بولندیغندن براچقه تحصیل ایدماش اولقدن بشقه مؤکلنک متوفای مزبورده الاجنی اولدیغنی شویله طورسون مذکور سننک ذمات تحصیل اولندقه بدلی تسلیم ایدمه جکنه دأر مدعی استپانک بر قطعه سند ویردیکی و مؤکلی بالقجی اصنافندن اولدیغنه مبنی خصوصی مذکورک اجباب ایدن محله حواله سی لازم کله جکی افاده واستپان صوفیان امضالی اولوب بندروس نامه یازلش و ملقون ویتیمارینه بعض حساب حقنده بولمش اولان بر قطعه مکتوب ارأه ایتشدر مدعی استپانک وکیلی الیاس افندی مذکور علم و خبرده کی مهر و امضا مؤکلنک ایسه ده اشبو علم و خبر متوفی ملقونک قرنداشی استپان درسعادتده اولان ذماتندن نه مقدار اچقه طوللاهش اولر و انک مقداری مین علم و خبری محمد چاوشه و یریلور ایسه دینه محسوب ایدله جکنه دأر اولدیغنی و مذکور مکتوبک امضاسی استپان صوفیان اولسندن ناشی بونک مؤکله طوقنوریری اولدیغنی و مؤکلی تجاردن بولندیغندن ایشک محکمه تجارتده رؤیتی لزومی سونلش اولملری اوزرینه دفع اشتباه ایچون مدعی استپانک دفتری طلب اولندقه الاجنی سنده مستند اولمق جهتیه دفتر ابرازینه حاجت اولدیغنی و بوکا دأر دفترده بر قید بولندیغنی بیان ایتسی شبهه بی تأیید ایلکله حصول اطمینان ایچون ابراز ایدلیکی سننک بدلی ادعای و جمله نقداً مدعی علیه محمد چاوشه اعطا و تسلیم ایدلیدیگنه اول محکمه نک بالاتفاق قراری وثانیا

اوخانسك برمنوال محرر استپانك تحليف ايدلسنى
تذكار ايلسى ومحمد چاوشك بوتكليفه اصول محاكمه
نظامنامه سنك اوتوز التجي ماده سى ايجانبجه
صلاحيتى اولسى اوزرينه تكليف اولنان يمينى
مدعى استپان قبولدن استنكاف ايلش ايدوكنه
بناء مدعى استپانك ادعاى مشروحنده حق اوليوب
كندوسنه جواب اعطاسنه حكم اولنديغنى متضمن
بولنسى ووكيل مرقوم افكر لايحه سنده مؤكلنك
مستأنف عليه محمد چاوشده بولنان الاجغى اشيا
بهاسندن اولوب شهود معتبره مواجهه سنده يوز
يكرى برعدد يوزلك التون ايله يكرى التى بچق
غروشه ابلاغ ايديلهرك دين طامش و ۲۰ محرر
سنه ۸۳ تاريخندن اعتباراً ايكي تقسيط ايله
ويرلك وايضا اولنه مدغنى حالده كندشته دغنى
اعطا اولنلق اوزره مزبور محمد چاوشه حسن
رضاسيله نائب قضا طرفنه برقطعه سند ويرمش
وبر بچق ليرادن بش غروش ظهر سنده تسليم
يازلمش اولنديغنى وسندك امضا ومهرينى اقرارينه
بناء محمد چاوشك تعلانه حواله سمع اعتبار اولنموب
همان محكوم طوتلسى لازم كلور ايكن برنجى
مجلسده افاده شفاهيه سى اوزرينه تدقيقه مبادرتله
دفتر طلب ايدلسى وعين تكليف اولنهرق
نهايت جواب ويرلسنه حكم اولنسى مغاير نظام
بولنغله حكم مذكورك فسخيله مؤكلى مطلوبانك
مع فائض استحصالى اقتضا ايدجكى محرر ومستأنف
عليه محمد چاوشك وكيلى اوخانسك لايحه سنده
دغنى وكيل افكر مؤكلنك الاجغى جهت قرضدن
ادعا ايتشيكىن بوكره اشيا ائمانندن ديمسى ايشى
ظاهره چيقارديغنى وتسليم مذكور حيله سنه
براساس اولق اوزره استپان طرفندن يابلش ايدوكى
ووكيل مزبور افكر سند ومهرك اقرارينى مؤكلنك
محكوم طوتلسنه سررشته عد ايتش ايسده كيفيت
اويله اوليوب ممضى برقطعه دفتر واستپانك مؤكلنه

وقتيه پروتستو وعرضحال ايتماسى اساسلى طوتلمش
ايسده اولاعرضحالى مؤكلى اعطا ايدرك حضور
عالى حضرت فتوايناهى به حواله اولنمشيكىن
مرقوم استپان تجاردم ديهرك ديوان احكام
عديليه اعطا ايدليكى عرضحال تجارخانه به
حواله اولنمش وكيفيتى ديوان استينافده افاده
ايتش ايسده اعلامه درج ايتدكلى وميانه زنده
جريان ايدن منازعه قرض اچقه اولوب اولنديغنى
ماده سى ايكن درجه اولى محكمه سنده مؤكلنك
انكارينه مقارن مرقوم استپانك ايدليكى قرض
مدعاسى دفتر ابراز ايدمماسى وتكليف اولنان
يمندن استنكاف ايلسى جهتريه تين ايتدريه موب
بركونه دعوايه صلاحيتى قالماشيكىن دعوانك
رنكى دكشديرهرك اشيا بهاسندن ايدليكى دعواسى
اصول محاكمه نظامنامه سنك يوز اون اوچنجى
بندى احكامنجه استماعه صلاحيتلى اولنديغنى
كبي قرض ويرديكى تين ايتسه بيله مقدمكى محاكمه ده
دفتر ابراز ايدمديكى ويميندن نكول ايدليكى
جهتله بودعوانك تكرار استماع اولنسى مؤكلنه
غدر كلى ديمك اوله جغنى بيانيله مذكور ديوان
استيناف اعلامنك نقض اولنسى استماع سنى
مبيندر
مرقوم استپانك وكيلى افكر جواب لايحه سنده
دغنى مرقوم محمد چاوش متوفى ملقون تركه سنه
اولان دينى تاديه وايضا ايتك اوزره اخذ استقراض
ايدوب ساعت وسائر اشيا ايله بيمالدور يوز يكرى
بريوزلك التونيله يكرى التى بچق غروشه بالغ
ايديلهرك ۲۰ محرم سنه ۸۳ تاريخيله برقطعه سند
ويرمش وموخرأ ديننه محسوباً بر بچق ليرا وروب
ظهر سنده تسليم يازلمش وباقيسى ادا، مخالفت
ايتش وبركونه پروتستو ايتماش وجهت كفلتدن
اون التى بيك غروش ادعاسى حقنده عرضحالى
تجارخانه به حواله اولنمش اولنديغنى ومؤكلنك

اله جغنى سنده مستند بولنديغنى ومرقوم محمد چاوش
كرك درجه اولى محكمه سنده وكرك ديوان استينافده
سند وختنى اقرار ايتش ايكن دفتر ابرازى
وعين تكليف اولنسى اصول محاكمه نظامنامه سنك
اوتوز التجي ماده سنه مغاير اولنديغنى ومتوفى
ملقونك برادرى درعليه ده مقيم ابوان استيفانه
نه مقدار اچقه تسليم ايدر وتسليماتى مين مرقوم
استفان امضاسيله قاچ قطعه علم وخبر ابراز ايدر
ايسه سالف الذكر ديننه محسوب اولنلق اوزره
مؤكلى استپان طرفندن ويريلان علم وخبرك
اشبو سندلى مطلوباننه طوقنور محلى اولنديغنى
ومرقوم محمد چاوش اوچ سنه ايجنده ذماتى تحصيل
وامورينه صرفله استهلاك ايتش اولنديغنى واشبو
سندلى اچقه حواله دندر ديهرك علم وخبره استناداً
مؤكلنك مطلوباتى چورتك افكارنده بولنديغنى
وبويله تمتع الحصول ذماتى قبول وبعد سكوت
ايدرك يعنى وقتنده اخبار نامه ايله رسماً تبليغ
ايدلماسى غيراز تسليم مبلغ مذكور مؤكلنه صحياً
دين اولديغنه نظاماً دليل كافى اولنديغنى مرقدر
طرفين دائريه استنكاده مزبور محمد چاوش
طرفندن موديج اوغلى اوخانس وممدى عليه
استپان پلويان جانبندن جوانى افكر مصدق
سنداره وكالة كلهرك لايحه لارى خارجنده
برديه جكلى اولوب اولنديغنى صورلدقده هر برى
لايحه سى مالى تكرار ايتشدر
ايجابى لى المنداكه تفصيلات مشبروحه دن
مستفاد اولنديغنى اوزره ديوان استينافده برنجى مجلس
اعلامى فسح ايله محمد چاوش اوزرينه يوز ايتش
طقوز بچق ليرا كسور غروش حكم اولنمش ايسده
بودعواده مدعى عليه بولنان محمد چاوش روم ايلي
قوانى ساكنارندن وبالقيله لقله مشغول اولوب تجار
صنفندن اولنديغنى كبي مبلغ مدعا دغنى امور تجاريه دن
تولد ايتيوب متوفى ملقونك ذماتنك تحصيلى

ماده سندن عبارت حقوق عادیه دن بولنمسیله بودعوا قانوناً امور تجاریه دن عد اولان موادك خارجنده بولندیغی مثلاً مذکور برنجی مجلس اعلامی مآلنه نظراً مرقوم محمد چاوشك وکیل اوخانس مؤکلنك بالتجی اولدیغی جهته دعوانك ایجاب ایدن محله حواله سی لازم کله جگنی افاده آتیش ایکن مجلس مذکور مدعی بولان استپانك تجارت دن اولدیغی وارهده حقوق عادیه دن دأرنسنه اولدیغی بیان ایله دعوانك تجارت محکمه سنده رؤتی لازم کله جگنه قرار ویرهرك حکم و اعلام ایلمدیگی اکلاشیلوب مجلس مذکورك مدعی علیک صنفه و اساس دعوايه بلقوب و ذیل قانون تجارتك اوتوز یدنجی ماده سی حکمه رعایت ایتوبده مدعینك صنفه باقهرق و دعوا آنفایان اولندیغی وجهله حقوق عادیه دن عبارت ایکن حقوق عادیه دن دأر اوده نسنه یوقدر دیرهرك حکم و اعلام ایلمسی مغایر قانون اولدیغی حالده دیوان استینافك مذکور برنجی مجلس اعلامنك بوجهتدن طولای حکمی فسخ ایله کیفیتك ایجاب ایدن محله حواله سنی کوسترمسی لازم کلور ایکن بوجه محرر ایشی رؤیت ایدوب حکم و اعلام ایلمسی دخی یولسز ایدوکندن مذکور دیوان استینافی اعلامی تقض اولندی بناء علیه مذکور اعلامك کیفیت منقوضیتنك دیوان احکام عدلیه نظامنامه داخلینك التمش طقوزنجی ماده سی موجبجه قیدی بالاسنه شرح و یردیلمسی و بدایه رؤیت اولنق اوزره کفتك محکمه نظامیه حواله سی خصوصاً رینه و اعلام خرجی اولان درت لیرا یکریمی درت غروش ایله تبلیغ خرجی بولنان اوچ بیاض مجیدیته نك سائر مصارف محاکمه ایله برابر استپانه عائد اولنق اوزره محمد چاوشدن التمنه قرار ویرلش و صورت قرار طرفینه تفهیم اولمشدر

محاكمات جزائیه دأر سندن ویریلان مضبطه صورتیدر وان سنجاغنده واقع کوار قصبه سنده اقامت اوزره بولنان عساكر نظامیه شاهانه دن کردی ناحیه سته کوندرلش اولان طابورك قصبه مذکوره عودت ایدر ایکن اورامار بوغازندن مرور رینه ممانعت وعلیهلرینه استعمال اسلحه جرأت ایدن التی یوز قدر کرد اشقیاسنك رئیسارندن بولنان مذکور کوار قصبه سنده تابع دوشکی ناحیه سی اهالیسندن رشی اغا زاده سعدو و برادرزی شاهقوی واحد اغاز حقلنده اجرا اولنان تدقیقات نظامیه یی محتوی ارضروم ولایتنك دیوان احکام عدلیه حواله یوریلان ۲۱ محرم سنه ۱۲۹۰ تاریخی و اوچ نومرولی تحریراتیه بالاسی استنطاقلو دیوان تمیز ولایتدن مصدق مجلس تمیز لوا و مجلس دعاوی قضا مضبطه یزی و مجلس اداره لواندن تنظیم اولنان مضابط محاکمات جزائیه دأر سنده مطالعه قلندی

اوراق مذکوره مؤدازنده مذکور کردی ناحیه سی اهالیسندن تسلط عشاردن محافظه سی ضمنده بوجه مشروح مأمور ایدلش اولان برطابور عساكر شاهانه ایفای مأموریتله قصبه مذکوره عودت ایدرلر ایکن مزبور اورامار بوغازندن کچه جکاری ائشاده مرقوم سعدو برادرزی شاهقوی واحد وقاین پدری اورامار ناحیه یی سلیم و سائر عونه سبله مسلح بش التی یوز نفر سبکمزان اگرادی مستحجاب قارشورینه چیه رق مرور رینه ممانعت و قضاء مذکور مجلسی اعضاسندن وضابطان عسکر بدن برقچ ذات ارسالیه چند دفعه اجرا اولنان نصیحتی دکلیوب ثبانه جرأله اوزر رینه سلاح انداختنه مجاسرت ایلدکاری استخبار اولنسی و مرقوم سعدو برادر و عونه سبله شمدی یه قدر حرکات عصیانیه ده بولنهرق اهالی یه ایصال دست خسار و مرتبات

میری یی ویرمامك و بولنهره برابر عشار سائر دن کندوزینه تبعیت ایتدیرش اولدقلری سبکمزان حشرات ایله جوار نواحی اهالیسندن آچقندن آچیغه ویرکو و عواند اخذ ایلنك کبی فضایحی اعتیاد ایتلری و چند دفعه اوزر رینه سروق اولنان قوه عسکریه یه تشهیر سلاح و تاب آور مقاومت اوله مدقلری حالده موصول و رواندز طاغرینه و ایران عشاری ایچنه موقتاً فرار ایلکده بولندقلرینه نظراً تأدیب و تربیه یزی درجه و جوبه کلسی جهتیه لواء مذکور متصرفلغی و موقع قوماندانلغی طرفلرندن واقع اولان استدعایه منی ویریلان رخصت و مأذونیت اوزرینه مذکور بوغازه عساكر نظامیه سوق اولندقدن مرقومون سعدو و شاهقوی و سلیم کبی سرکرده ل فرار و دیکر زی استیمان و دخالت ایتدکلرینه و مؤخرأ فرار ایلانلردن مرقومون سعدو و شاهقوی واحد دخی برتقریب ایله اله کتورلدکلرینه منی مجلس دعاوی قضا و مجلس تمیز لواءه تدقیقات استنطاقیه یه لندی الابددار مرقومون سعدو و شاهقوی واحد اول امرده بعض تأویلاته قضیه ده مدخلارینی و محل مزبوره کتدکلرینی بالکلیه انکار ایلدکلری حالده ایچلرندن احمد و مؤخرأ یوک برادری سعدونك حرمی ایله برابر قاین پدری مرقوم سلیم اورامار ناحیه سنده بولنان خانه سنده بولندیغی و برادرلرینك دخی اورایه کلش اولدقلرینی بیان ایلمسنه و عساكر نظامیه یوز باشیمی ابراهیم و سابق اورامار مدیری حسین اغاز ایله عساكر نظامیه وضبطیه یوز باشیلری رائف و سلیمان افندیلر و علی اغا ایله اونباشی محمد وضبطیه محمد و کوار قضاسی دعاوی مجلسی اعضاسندن بکندی بک و عبداللطیف نام کمنه ل مذکور طابور کردی و صاوا طرفلرندن حرکته قصبه مذکوره کلور ایکن ذکر اولنان اورامار بوغازندن کچه جکاری ائشاده مرقومون سعدو

و برادری شاهقوی و فرارده بولنان قاین پدری سلیم و اوراماری جادر و مصطفی برقچ یوز مسلح عونه ایله عساكر مرقومه نك یولارینی کسوب مرور رینه ممانعت ایلدکاری جهته طابور مذکور بیك باشیمی ابراهیم اغا و قائم مقام قضا خورشید بک طرفلرندن مأموراً اوچ دفعه کندوزی جمعیت مذکوره کوندرلدکلری جهته جمعیت مذکوره نك بولندقلری محله حین تقریرلنده اوزر رینه حیلی تفنك آتهرق قبول ایتماش ایسه زده مؤخرأ مکمله ایچون کلدکلرینی افهام ایله جمعیتلری ایچنه کیریلهرک هر درلو نصیحت ایدش ایسه ده اصفا ایتمیوب شاید عساكر نظامیه کلور و مذکور بوغازدن کچه جک اولورلر ایسه برجان قانجه یه قدر سلاح ایله مساومت ایده جکلرینه بیلرلنده عهد و میثاق ایتش اولدقلرینی قطعاً درمیان ایتدکلرینی و اوچنجی دفعه کتدکلرینه احاد اهالی یه تحریک ایدن اغاز ایچلرندن آریلوب محالرینه کیتك و مذکور طابور ذکر اولنان بوغازدن کچدکدن صکره اشخاص مرقومه نك بولندیغی محله اوغرا یوب دیکر طریقندن قصبه مذکوره یه عزیمت ایلنك شرطیه و قوعبولان تکلیفه موافقه له مذکور طابورك بوغازدن مرور رینه ممانعت اولنیه جغه سوز و یرش اولدقلری حالده کندوزی شو مقاوله یی تبلیغ ضمنده طابور زدینه کیتك اوزره حرکت ایتدکدن صکره سعدو یتش سکسان قدر عونه سبله باله مقیب طابور بوغازدن کچمک اوزره کلیور ش سز بزی الدادیورسکز دیرهرك مذکور طابورك موقعندن حرکت ایتدیکنی اکلاشییه قدر اوزر رینه تفنك انداخت ایدرک کندولرینك دخی عودت رینه ممانعت ایلش اولدقلرینی و جاها اخبار ایتدکلرینه نظراً اشخاص مرقومه نك ایتکارلری واهی اولهرق جمعیت مذکوره ایله برابر طابور مزبورک یولارینی قطع

ایله کچملرینه بر قاقچ کونلر ممانعتله برای نصیحت
 کوندریلان مأمورین اوزرلرینه سلاح اتدقاری
 تین ایشلش اولدیغندن و بوسنه امانت اداره سی
 مقتضای اراده سینه دن اولان اغنام تعدادی
 ایچون کوندریلان مأمورلرک یانلرینه مرقوم
 سعدونک ترفیق قانمسی جهتیه چوبان قریه سینه
 کتم اولنان اغنام میدانه چیقارلق سر رشته سیله
 ایکی طرف میانده یحوت ایدن منازعه اوزرینه
 مرقوم سعدونک تحریکیله ظهور ایدن مضاربده
 قریه مذکورلی علی نام کسه نک قتل و اعدام
 اولندیغی جهتیه مرقوم سعدو ایله دیگر اون نفر
 برادر و عونه سی جلب اولنهرق تحت استنطاقه
 السندقلری صرده مرقوم سعدو قره غول ایله
 لیل کتمش اولدیغی ابدستخانه منفذدن فرار
 ایلمسی اوزرینه حرکت شقاوتکاری سابقه سینه
 علاوه علی قطع طریقیه غصب اموال ابنای
 سبیله جرأت ایشل ايسه زده بوجه تلرجه ایجاب
 و ظائف حکومت بولنان تدقیقات استنطاقیه نک
 اجراسی بر چوق وقته محتساج اوله جنی و بونکله
 برابر دعوا جیلری قورقوزندن دعوایه قیام
 ایده میه جکری کبی حالاً و موقعاً مخدوردن خانی
 اولدیغی دخی درکار بولنمقدن ناشی حرکات
 سائر زنجیه استنطاقلری ترک اولندیغندن
 و دیگرلرینک حکمی مضبوطلری بعدما تقدیم
 قلنه جغندن بونلرک جنایت مشهوره لری ثبوت
 مرتبه سنده طوتیه لرق شمذیلک امثالنه عبرت
 مؤثره اولق اوزره مرقومان سعدو و شاهقولینک
 الی یدنجی و التمش ایکنجی مواد قانونیه احکامنه
 توفیقاً اعداملری و مرقوم احمدک دخی مؤبدأ
 کورکه قولمسی استشعار و هنوز اله کچور یله میان
 سلیم اخذ و کرقتنه اعتنا اولمسی خصوصنک
 اکیداً وان متصرفلغنه بیلدیرلیدیکی اشعار اولمش
 و تحریرات مذکوره ده لواء مذکورک اهمیت

و نزاکت موقعیه سیله برابر اهل السنک برطاقم عشایر
 و قبائل مختلفه و متنوعه و حشیه دن عبارت
 بولندیغی جهتیه بونلره قارشو بر عبرت مؤثره اولق
 اوزره مرقومان سعدو و شاهقولینک بر موجب
 قانون مستحق اولدقلری جزانک اره دن وقت
 کچمکسزین تسریع اجراسی ایله امشالی اولان
 حشراته عبرت مؤثره کوسترلسی موقعاً ازم اولهرق
 شو حاله و اوراق مذکوره مألرینه نظراً بوبابده
 اصابت افزای سنوح اوله جق اراده سینه نک
 باتلغراف امر و ازباری جمله احتیاجات ملکیه
 محلیه دن بولندیغی دخی از بار قلنمشدر

مدلول اشعاره نظراً مرقومان سعدونک برادری
 شاهقولی و قاین پدری سلیم ایله برابر بش الی
 یوز اکرادی باشلرینه جمع ایدرک و ذکر اولنان
 اورامار بوغازینی کسه رک استعمال اسلحه ایله
 مذکور بر طاوور عساکر شاهانه نک مرورینه
 ممانعت و برای نصیب کوندریلان مأمورین
 اوزرینه تفنک انداختنه جرأت ایلدکلی اخبارات
 واقع و تحقیقات جاریه ایله ثابت اولوب بو حاله
 مرقومانک جمعیت شقاوت مذکوره ده رئیس
 وقوماندا صاحبی بولندقلری اکلاشلدیقنه و ذکر
 اولنان الی یدنجی ماده قانونیده هرکیم بالذات
 و یا بالواسطه تبعه دولت علیه و سکنه ممالک
 محروسه یی سلطنت سنیه علیه نه مسلماً عصیان
 ایتدیرمک و یا خود ممالک محروسه اهل السنی یکدیگری
 علیه نه سلاخلندیزه رق مقاتله یه تحریک و اغرا ایله
 قتل نفوس افعالی ایقاعه قیامسر اولمق کبی
 فسادزدن برینی برطاقم اشقیابلرلکده اولهرق اجرا
 ایدرو یا خود اجراسنه تصدی ایلر ايسه اول جمعیت
 شقاوتنه داخل بولنالردن اصل رئیس اشقیابلر
 مفسدت اولنلر هر زده طوتیلور ايسه اعدام
 اولنوب سائرلندن دخی موقع جنایتده اخذ و گرفت
 (بقیه سی صکره)